

1

1.1

Or advint que Zachariah devoit exercer la sacrifice devant le Seigneur/ en lordre de sa famille/ selon la coustume de la sacrifice/ le sort luy escheut de faire encensemens/ estant entre au temple du Seigneur. Et toute la multitude du peuple estoit priant hors/ a lheure de lencensement. Et lange du Seigneur sapparut a luy estant a la dextre de lautel de lencensement. Dont Zachariah fut trouble/ quand il le veit : & crainte cheut sur luy. Et lange luy dist : Zachariah ne crains point : car ta priere est exaulcee/ & ta femme Elizabeth te enfantera ung filz : & appelleras son mon Jehan. Et te sera joye & liesse : & plusieurs sesjouyront de sa nativite : car il sera grand devant le Seigneur : & ne beuvra ne vin/ ne cervoise. Et sera encore remply du saint esperit des le ventre de sa mere : & convertira plusieurs des filz de Israel au Seigneur leur Dieu. Et precedera devant luy en esperit & vertu.

2

Pourtant que plusieurs ont entrepris de traicter par ordre la narration des choses qui entre nous sont trescertainement advenues : comme ceulx qui des le commencement les avoient veu/ et avoient este ministres de la parolle/ nous ont

baille : il ma aussi semble/ veu que des le commencement ay toutes les choses.

3.1

Or advint que Zachariah devoit exercer la sacrifice devant le Seigneur/ en lordre de sa famille/ selon la coustume de la sacrifice/ le sort luy escheut de faire encensemens/ estant entre au temple du Seigneur. Et toute la multitude du peuple estoit priant hors/ a lheure de lencensement. Et lange du Seigneur sapparut a luy estant a la dextre de lautel de lencensement. Dont Zachariah fut trouble/ quand il le veit : & crainte cheut sur luy. Et lange luy dist : Zachariah ne crains point : car ta priere est exaulcee/ & ta femme Elizabeth te enfantera ung filz : & appelleras son mon Jehan. Et te sera joye & liesse : & plusieurs sesjouyront de sa nativite : car il sera grand devant le Seigneur : & ne beuvra ne vin/ ne cervoise. Et sera encore remply du saint esperit des le ventre de sa mere : & convertira plusieurs des filz de Israel au Seigneur leur Dieu. Et precedera devant luy en esperit & vertu de Eliah/ pour convertir les coeurs des peres aux enfans/ & les incredules a la prudence des justes : affin quil prepare au Seigneur/ ung peuple parfaict. Et Zachariah dist a lange : Comment congnoistray je ce ? car je suis ancien/ & ma femme est ja fort aagee. Et lange respondit/ & luy dist : Je suis Gabriel/ qui assiste devant Dieu : & suis envoye pour parler a toy/ & pour te annoncer ces choses. Et voicy/ tu seras muet/ & ne pourras parler jusque au jour que ces choses se feront : pource que tu nas

point creu a mes parolles/ qui seront accomplies en leur temps. Et le peuple estoit attendant Zachariah : & sesmerveilloient quil tardoit tant au temple. Et quand il fut yssu hors/ il ne pouvoit parler a eulx. Lors congneurent quil avoit veu vision au temple. Et il leur donnoit a entendre par signes : & demoura muet.